



先秦 — 清末民初

中國野史集成·續編編委會
四川大學圖書館編

中國野史集成

續編

錢謙題



巴蜀書社

中國野史集成·續編編委會
四川大學圖書館 編

·先秦——清末民初·

中國野史集成續編

21

巴蜀書社·中國·成都

目 錄 (第二十一冊)

聖朝新政要略	一
督師紀略	一六八
蜀事紀略	二六八
甲乙記政錄	三〇〇
續丙記政錄	三七一
續丁記政錄	四一九
新政	四四二
袁督師事蹟	四五一
東莞袁督師遺事	四六三
烈皇小識	四六八
東江始末	六〇四
流寇長編	六〇九

聖朝新政要略

序

今上一御極而大熟以除衆正
以興乾坤為之一清日月為

之重明否轉為泰冬復晦

塞之象剥極而後乃見天地
序

之心一

者之下人人各額一

諭之頒在一謳歌竊思虞帝至

聖其格天協帝儲之陶漁耕

稼之初闢門明目為之歷試

崇禎新政記卷十卷不知何人所輯以天啟元年
之間舉朝皆奄黨矣所云恭親忠賢劾崔建齋
皆奄黨圖自救之術亦惡魏崔也此時雖免齊在
谷辰亦不過瓦釜雷鳴而已有何可採之事疏則
輯此書者亦奄黨也故每於時右逆案之語輒評
黃圈點之獨倪鴻寶世界已清方隅未化一疏但
錄旨意而不加甄錄則此書之無一可取亦可知
矣惡且醜正實繁有徒以崇禎間惡之君身當其
際又孰知正味哉宜乎將去轉遂卒以壯勳曹化
瀉為心腹而後已死病無良醫拒不信耶置此
於坐間若妖魅呈形不用照妖之鏡矣
光緒十九年七月望前一日一癡道人

後之若夫生知安行不
思不勉未有如家

德蕩平之風其鼓
足以俟

外史氏識

皇上者如一時新政苗芽世
以為楷法臣謏論似羣鳳以
爭鳴願

二

綸綍之令五中丕使迭出互現
何妨壁生璣肥而奏章動若
子言亦須剛繁就簡便竟開
門山見遂加編次敬付棗梨
道長道消之機真一目了然

新政紀略凡例

○一近刻有太平洪業止載十疏
清朝聖政亦多未備是編極簡而盡一目無餘依次
續刻逐日增補

○一是編翻閱邸報備錄

聖天子新政有關係親賢達奸一切大朝常悉紀其略以
備參考 諸名紳章疏問或指摘其喫緊語以醒
人目更無一字添入

○一是編以天啟七年十月通政楊公侍御楊公學
新政紀畧 凡例 一

院賈公疏奏為始一依編年體格逐日記去其上
疏得

旨日期參差亦是報本有訛耳

○一是編或有疏無 旨有 旨無疏以金陵邸報
原多未備無從查考

○一是編有錄取要領接續成文者有採其疏中大
意者有採其條呈諸目者有開列薦舉糾參名姓
者

○一是編疏章關係起用廢臣及屏逐奸邪者俱得

臚列除墮違大計年例不悉載

○一附載初泰魏客疏章及近日銓部訪單遷謫姓
名于後

○一是編依邸報相連紀錄俾

清朝新政凡我父老子弟皆得備閱

○一他刻僅止天啟七年冬月末覩其全茲備錄目
前近事撮其最精要者採取其畧凡有關係者並
無遺漏

新政紀畧 凡例

二

聖朝新政要略卷之一

天啟七年十月十五日

今上皇帝於天啟七年八月二十四日

登極伏覲

皇上聰明天縱仁孝性成朝常典禮壹遵

祖制中外臣民業已欽仰

聖天子媲美堯舜度越千古矣第是時逆璫虐熾未

熄虎穴未離內操中樞把握兵柄雖九列臺省素

懷忠憤然猶惴惴不敢擅開鑾端有原任都給事

新長紀畧 卷一

陞南通政楊所修首叅兵部尚書崔呈秀工部尚

書李養德廷綏巡撫朱童蒙少卿陳殷奎情事蓋

皇上即位之初即首隆

聖母徽號居然以孝治天下乃自古求忠臣必于孝

子之門且袁絰視事殊為不祥矧方今

三殿告竣違事稍寧亦要用此不忠不孝之臣為哉

所當速令回籍守制以光新政者也 奉

聖旨楊所修如何率意輕詆使大臣不安其位姑不

究該部知道 呈是雖奸崔呈秀等亦以守制次第

十月二十一日

楊所修奏

○雲南道御史楊維垣為朝野望治方殷權臣欺擅

久著今據實直糾以贊聖明更始之政事蓋其威

於唐虞而四凶終克未去必至齊始放流誅殄之

竊見兵部尚書崔呈秀立志卑污居身穢濁初以

淮楊巡方敗事輿論一時稱快及

大行皇帝召環奴顏婢膝趨向愈下上言大臣德政

律有明禁何況內禁呈秀乃首先違之門如市間

如鬼用吳淳夫論舊輔馮銓而部郎以數月躋卿

新長紀畧 卷一

貳矣越資用倪文煥掌河南道而言廠臣非文煥

不可誣止志充而嫁禍於禮部尚書李思誠矣至

病痊起發之李應薦亦列賜環之中前任掌道張

汝懋寔為優容又未幾以其弟凝秀為浙江總兵

曾有兄為本兵而弟握兵權於外者予種種欺君

誤國不可枚舉最可異者三殿工程吉祥善事軍

旅整出而出者不同呈秀以不祥之人經理其間

經營而畢

先帝選升未必不由於此臣與同朝所共慮者不止

此也當

大行皇帝崩逝之日百官聞

皇上將御文華殿急自乾清宮趨出忽有數內臣急

招呼兵部尚書崔家來聞者莫不錯愕所言公當

與衆公言之天下事豈呈秀一人所可私與者言

及此又不覺寒而竦矣總之

先帝信任廠臣甚專而廠臣亦孜孜竭力任勞任怨

以圖報稱獨是誤信呈秀一節而呈秀又交結廠

臣王掌家而廠臣未之知耳且內諛廠臣外擅朝

政又有吏部無肯大臣周應秋專與朋奸而其職

狀不可勝道也懇乞

皇上處分或急正兩觀之誅或薄示三褫之典或聽

其同里守制從前高爵美廬儘足酬其因人成事

之微勞而及今擁名娼據金穴亦足暢適其衣錦

食稻之志矣珍窮亮而慰輿望在

皇上固自能為新政計也初得

古楊維垣如何率意輕詆念朕臨御之初優容言路

姑不深責

○雲南道御史楊維垣為臣言一字非誣權臣誣辨

無據謹再疏相質以聽 聖鑒事崔呈秀兇賊兇

社上竊

先帝之威靈蒙而喪心下欺天下為犂豕殘彰惡着

誰不欲食其肉而寢處其皮乎除吳淳夫倪文煥

另疏剖析惟呈秀首辯者通內一節呈秀既嘗大

工時與廠官周旋時時稱功頌德私密之處更復

備極醜態凡求拜于廠臣呈秀尸其德凡急于仕

進者無不奔走其門此明白彰著非止鼠竊行徑

新政紀畧

卷一

四

已也故當楊左之時人皆以不恭廠臣為罪當呈

秀之時人又以不譽廠臣為罪不為呈秀所惑者

滿朝不過數人而已然廠臣公而呈秀私廠臣不

愛錢而呈秀貪廠臣尚知為國為民而呈秀惟以

招權納賄為事丘志充事敗露以王家棟死而活

口無矣至張元芳之改銓乃選司為所驅使耳總

之呈秀名節掃地乞早賜罷斥職等實羞與之同

朝也

十月二十三日

直隸提學御史賈繼春奏為聖明御極言路宏開
臣糾不忠不孝之臣伏乞 聖斷以光新政事人
臣立朝事君惟忠與孝忠者潔已奉公砥名義以
奉一人孝者明倫盡禮敦人紀以篤天性兵部尚
書崔呈秀狐媚為生狼貪成性以聽勘御史未及
二年驟升官保賣官鬻爵家累百萬種種貪淫穢
跡難以枚舉堂堂威朝當邊陲少淨之時而必藉
才于苦塊方折之人吏部妮妮擁戴知有佞而不
知有君呈秀罔罔長心知有官而不知有母豈有
新政紀焉 卷一 五

三綱廢絕人禽不辨而望以安懷之獻可責以君
父之義者乎至若田吉以二載曹郎而尚書極品
單明翊以作令不踰莽而督撫侍郎此真笑破士
紳之口也

十月二十四日

○工部都水司主事陸慈為恭應明詔直陳利弊事
內列四款 一曰正士習臺省庶僚不聞靖共爾
位惟日以稱功頌德為事至疏奏不敢明言忠賢
姓名以盡廢君前臣名之禮舉之以舉愛尊之以

周孔等王莽稱功德者至四十八萬人士大夫首
上建祠之疏以致市靈儒者在在效尤未匠夫頭
俱為卿貳內臣總理庫藏使戶工二部司官羅拜
堂下成何體統 一曰糾官邪近來言官絀默置
奸佞于不問如兵部尚書崔呈秀貪婪無恥簪竹
難盡臺臣楊所修略悉其概初以御史監工帶左
都銜今又以樞貳不棄舊銜毋非欲借總憲以彈
壓言官且奪情之制原以墨綬視事况
大行皇帝在殯百官猶且素服而呈秀紅袍玉帶坐
新政紀焉 卷一 六

明轎入衙門是可忍也孰不可忍也 一曰安民
生欲安民生在慎刑罰今立枷之設罪未定而三
四日內命已絕矣且一經廠衛捕風捉影嚴刑酷
拷遂無生理 一曰足國用大工興造搜括靡遺
生祠廣建費不下百萬及今變價尚可得數千萬
金伏乞 勅下所司施行

十月二十五日

○兵部主事錢元愬奏為 聖政維新羣陰見現謹
陳一得以消疵惡以息紛囂事臣嘗讀詩經假樂

乙之章曰百辟卿士媚于天子乃通年以來不媚天子而媚權璫以至僕斯賤隸竊緣扳櫟立躋要路玷列卿貳朝署常伯有續貂之謂爛羊興關內之誰網維既恭廉恥日喪于是有敗倫犯義傷壞名教如呈秀者夫呈秀之敗于貪橫無忌皆緣藉微臣魏忠賢今呈秀雖去而忠賢猶存威權所在羣小蟻附極重之勢漸成難返稱功頌德布滿天下幾如王莽之妄引符命列爵三等昇于乳臭幾如梁冀之一門五侯遍列私人分置要津幾如王衍新此紀畧 卷一 七

之狡兔三窟與珍華寶藏積肅寧幾如董卓之郤璠自固動輒傳 吉鉉制百僚幾如趙高之指鹿為馬誅劊士類傷殘元氣幾如節甫之鉤党株連陰養死士陳兵自衛幾如桓溫之壁後置人廣開告訐道路以目幾如則天之羅鉉吉鉉彼魏良卿輩既非開國之勳又匪從龍之寵安得玷茲茅土從此臬章亦宜速令解組至如告訐獲賞之張體乾鍛鍊驟貴之楊震夫頭乘輅之張凌云奉委問棍之陳大同號稱長兒之田爾耕寧國契交之白

太始龔翼明等與凡牙爪鷹犬俱令廷臣明正其罪令奸党清肅人情安士氣振從此平臺煖閣不時宣召大臣軍國利弊臣下咸得面陳俾假托者無所售其奸而上下血脉常流矣奉

聖旨這本說崔呈秀等朕自獨斷已有旨了錢元愬

小臣如何又來多言姑不究該部知道

○直隸提學賈繼春奏為 聖鑒天間羣情踴躍敬

陳時政之急狀乞

皇上神明洞鑒自為社稷大計事 一日保令躬食新此紀畧 卷一 八

息起居之處時存睥睨非意之防深宮邃室之中亦懷跬步弗謹之念 二曰正疏體上下自有戒然冠履之分善則歸君百官之交頌厥臣已堪食不下咽天無二日匪類之尊稱上公更為語不擇音 三曰重爵賞師傳乃二百餘年不敢止之席黃口子未可驟膺公侯伯之爵乃

二祖以後不多見之封典 四曰畏名義交結原有明禁况假子親父之稱兒童走卒共述何以施眉目予人間晉接自有禮儀若小帽青衣之見朝野

中外共聞何以別簪紳于蟻息 五日課職業門
戶封畛誠不可不破奈何不問源委資格階級誠
不必盡拘奈何不顧防維以付粉之衣冠作媚文
承權之賞 六日罷祠費祝厘遍寰宇如狂如沸
何故費巨億之資丹堊還喬門擬聖擬神遂欲並
宣尼之祀 七日開言路

祖宗設言官責以指示奸佞青蒲可伏高墉可射豈
袖手所得旁觀近目列在糾彈迫于隅虎之勢陷
難為梧鳳之諧鳴則壅蔽亦可念也 八日於廢

臣

先帝創德頗僻原非阻其自新各有本末各有生平
平宜清時所忍禁錮則幽遜亦可悲也以上八款
皆時政之膏肓至于倚草附木輩則昭昭天下之
耳目聽彼自知之而自裁之于以振聖朝之威靈
權奸之擁戴也奉

聖旨提衡道法監飭朕躬是社稷大計本內事情朕
自獨斷已有旨了

並
兵科許可征為清議自明匪人既遠乞

聖明盡

用直言早賜處分以省議論以臻平康之治事魏
忠賢罪在三蕭重封生祠廣建傾動天下至舉朝
不敢論事此猶曰非士大夫知禮義也崔呈秀受
國厚恩而狡柔不仁同緣為奸中外影嚮張勢弄
權狼如狼虎今呈秀去矣其弟崔凝秀尚可總兵
于浙江彼兄弟濟惡並食美官忍置毋極不顧何
異于構机餐餐于奉

聖旨崔呈秀着該部叅看來說

十月二十六日
新政紀畧 卷一

七

○山東道御史吳尚默為賊臣之身已去賊臣之惡
未暴謹據一時 國政以定罪案事伏觀
皇上冲聖御極首允樞臣崔呈秀之去此與孔子兩
觀之誅何異呈秀當身與援之門入賓閣寺之幕
煬灶者每假大柄以作成作福而呈秀復假其所
假樹黨者猶盜大柄以攘功而呈秀復盜其所盜
凡負罪讎而獲免者未有不資緣于呈秀而免者
凡邀顯擢而說得者未有不資緣于呈秀而得者
黃金白銀未厭而羅奇珍以進美珠寶玉未厭而

市麗姬以獻橫閭奔競之門廣肆苞苴之實顛倒
任意翻覆在手以推權會推題差被處者不知幾
許人人稱功頌德習為固然恬不知怪天下幾不
知有廉恥一時緘口結舌習為容容以苟免于禍
天下幾不知有名節人人重足而立側目而視天
下幾不知有身家之樂部臣李養德寺臣陳殷邊
臣朱童蒙相繼以奪情留天下幾不知有父母一
部幾尚書一院四憲臣天下幾不知有名位之秩

又其甚者當
新政紀畧 卷一

十二

先帝不豫中外傍徨又且吮吮論功陞賞為飭喜之
舉至是幾一諭易黃且及明知不親政務不問出
涉乃黜章素贖領爵賞而列封廕而羣臣謝恩之
日即

先帝賓天之日天下幾不知有改革之大故矣此以
定賊臣之罪案而厥臣魏忠賢之功業亦可覆閱
列爵惟五而三據之茅土侈于一時此尸祝而彼
組豆廟食遍于天下試從賊臣以問厥臣能無覩
顏愧心乎奉

聖旨崔呈秀已有旨了厥臣魏忠賢事各官不必牽

扯該部知道

○承天守備太監李 自陳不職准回京閑居

○南京守備太監楊 自陳不職准回京閑居

○太和山太監馮玉自陳不職准回京閑居

○天壽山太監孟進自陳不職准回京閑居

十月二十七日

○浙江嘉興縣貢生錢嘉徵一本奏為請清宮府之

禁以肅中興之治以培三百年士氣事切見權奸
新政紀畧 卷一 十二

肘腋道路寒心如東廠太監魏忠賢可容一日道

四凶之誅竄魑魅之投畀哉 一曰竝 帝夫

大行皇帝龍飛在御天無二日而何附諸臣凡有討

章必先關白忠賢至頌誇功德必以上配

先帝及奉命旨必曰朕與厥臣從來有此奏體否此

滔天之罪一也 二曰蔑 后夫

大行皇帝之中宮天下臣民之母后也 皇親張國

紀未惟不赦之條聞

先帝令忠賢宣 皇后而忠賢滅旨不傳致 皇后

當

先帝御前折逆權奸遂羅織 皇親多方欲致之死

顧

先帝仁明祇膺薄誼不然幾危中宮滔天之罪二也

三日弄兵

祖宗朝不聞有內操之制忠賢外脇臣民內逼宮闈

操刀割刃砲石雷擊謀圖不軌賴

九廟有靈潛消睥睨滔天之罪三也 四曰無

二祖 列宗使讀
新政紀畧 卷一

十三

高皇帝垂訓中消不許干預國政蓋鑒前代之失垂

後來之戒至法程也乃忠賢軍國重事一手障天

立仗之馬必叱咤亮之犬必庸庸毒繒紳林連士

類凡錢谷衙門邊腹重地漕運咽喉多置腹心意

欲何為滔天之罪四也 五曰剋剋 藩封夫桐

封大典皆金枝玉葉自宜從厚以體

祖宗之心以光

先帝孝治者也今三藩一時之國其庄田賜資合三

藩不及福藩之一而忠賢封公侯伯之田上林選

膏腴不下萬頃是

祖宗本支百世之親反不若一毫悍之家奴滔天之

罪五也 六曰無 聖夫 至聖先師為萬世名

教主配天而享太牢雖歷代帝王踐祚必先躬親

釋奠忠賢何人而敢建祠太學之側實逼處此以

刀踞之餘孽而擬洙泗之俎豆八月二十一日陸

萬齡等起工營祠而

先帝遂以次日償天亦可為凜凜矣滔天之罪六也

七曰濫爵夫非軍功不侯古制凜然
新政紀畧 卷一

十四

祖宗冊封公者除魏周定國英國黔國成國外雖開

平陣蹟亦止封侯今忠賢竭天下物力佐成三殿

工至激變江南幾成新木揭竿損朝廷威望而公

然襲上公之封嗣不知省滔天之罪七也 八曰

掩邊功自奴畜犯順以來墮名城俘士女殺大將

神人共憤今未恢尺寸地即錦寧之捷差強人意

袁崇煥舒十年未雪之憤而忠賢虛冒邊功封公

封侯封伯假使遼陽廣寧間鐵復歸版籍又何以

酬忠賢功乎且文武諸臣出死力以悍國忠賢居

樽俎以賞賞致豪傑短氣滔天之罪八也 九曰
腹民夫國課歲額不過四百九十萬况經連年水
旱東西交訌或流離或噴聚以致仰屋司農泣告
水府而天下之請建祠百餘所計一所之費不下
三萬金是豈四民所樂輸皆阿諛之奸挨門敲刺
而出之者鄭俠之圖可憐楊雄之頌日上即此靡
費之金錢孰非國家之膏血滔天之罪九也 十
曰通同關節設科取士而揭榜在二十六折卷在
二十四日為忠賢所私者貼出三名後上賢書實
折政紀卷一 卷一 主

緣要結不可勝數此下第之劉貴顯天叩閣冀獲
祖宗朝考官劉三吾等故事翹首

皇上履試而進巡跡蹶者滔天之罪十也凡此十惡
有一于此駢首夷族况種種無法無天杜傭竈養
叨世襲于皇家乾兒座于溫襟裾于紳族魏撫民
以乳臭而班冠六堂田爾耕武弁而富過公室試
詢忠賢彌留之旨何人偽傳大府之藏何故若佛
其何說之詞登南山二竹不足言其奸決東海之
沈難以洗其罪伏乞

○南宮大監孫

皇上獨斷於心 勅下法司將忠賢明正典刑以雪
天下之憤以彰正始之治臣自知冒觸凶鋒勢同
磨卵願將一介微命仰答涓埃使後世讀史者謂
聖主當陽有敢言之士萬死何辭焉

○貢士錢嘉徵又一本奏核通政呂國南身受國恩
職司喉舌乃不顧清議阻塞言路多少忠言被其
埋沒律以邀截實封不即引奏之罪夫復何辭奸
狡如國南良心已死更乞

聖明裁察焉奉
折政紀卷一 卷一

主

天監孫

聖旨魏忠賢事體廷臣自有公論朕心亦有獨斷青
衿書生不諳規矩未當重處姑統一遭

○通政司呂國南又一本罪狀久明事奉

聖旨呂國南而收陸萬齡等疏據經守正不愧納言
朕所鑒知青衿亦詎大臣成何政體本當重究姑
統一遭

○通政司呂國南一本貢生進言甚急事奉
聖旨覽奏內兩股奏疏心事皎然錢嘉徵所詆不足
與辨即出供職原狀二疏着封進陸萬齡等法司

究問李映日着革去衣巾以政士習

十月二十八日

○刑部員外史躬盛奏為直發欺君誤國之奸惡祈速正典刑以光聖治事切惟上所馭下者權權不容輕假下所自要者分分不可僭踰蓋自忠賢以間官竊國柄而朝野竝歸決裂舉天下之廉恥漸滅盡矣舉天下之元氣剝削盡矣舉天下之官方紊亂盡矣舉天下之生靈魚肉盡矣舉天下之物力消磨盡矣何謂漸滅廉恥夫賞足勸善罰足懲

新正紀畧

卷一

十五

貪則廉恥生夫既殄其途以為招復嚴其繩以封嚇彼以羽毛瘡痍供俵喜倖怒之資人遂奴顏婢膝効趨榮避禍之計試想今日之官僚行徑其盡可告妻子夜不愧衾影者曾幾人幾事也寧復有廉恥耶何謂剝削元氣國之有才品其原委則祖宗培植之起家則科名策勵之其入仕路也則爵祿功名鼓舞之況國家功令考核年例森然或降或推亦宜還以應得之名目乃魏忠賢意少不合概曰久依門戶削職為民追奪謫命問其門戶

者何人所依者何事無論旁觀駭然即身受刑奪

者亦莫不自訝其無因此不過懸坐之題陷人之局也致令孝子傷心勞臣喪氣而寧復有元氣耶何謂紊亂官常臣該會典嘉靖十年准兵部官推曾按邊郵練軍務或曾任兵備等官有將略才望者疏請簡用彼呈秀有一相合者否以一聽勘之臺臣驟蹶崇階于司馬至母死半年仍戀鷹犬于權門任逍遙于蟒玉笑罵由人禽行自認長安三尺兒童誰不掩口而笑即如臣所知陳大同一書

新正紀畧

卷一

十六

辦丘某鳳一夫頭張凌雲一夫匠頭耳而大肆鑽貨公然開棍與北列齋縣且令一部縉紳幾成戲局濫觴至此良由忠賢欲自為地假朝廷之名器借破例之私恩成其僭踰之志試問忠賢有何開國元勳衆

先帝大漸之時急急分茅胙土奏隆列侯列聖章程委之無用而官方寧不頽越耶何謂魚肉生靈國家設三法司以懲不軌古之帝王必于萬死之中求一生之路乃忠賢則有異焉廣布緝番

託名訪緝彼貪功圖利者捉影捕風迨至參進刑部而苦拷之下羅織既成肢體殘極矣大工興建以來財用萬分告匱加派不已繼之搜括搜括不已而通融事例小民剝肉醫瘡常事提謀露財亦自誇功尸祝而無恥之崔呈秀首上德政以建祠之說進而海內如驚如狂較三殿之成不啻神速真有鄭監門不盡于繪圖賈太僕難摹其痛哭者自有忠賢以來而數百年整齊之世界翻為混淆之世界真天下萬世之罪人也奉

新政紀畧

卷一

光

聖旨魏忠賢已有旨了該部知道

十月二十九日

。禮科都給事吳弘業一本為權奸既去公論漸伸更新

聖明澄清仕路以增新政之光事自大行皇帝以冲齡踐祚一切機務獨任厥臣魏忠賢而威福漸以下移忠賢又偏聽一呈秀而是非惟其倒置致今朝綱不礪廉恥不惜切八柄以餌人營三窟以謀利茲臺臣楊維垣入告竟九呈秀以

去世界頭已開矣

皇上日月之明雷霆之斷傲于中外臣民之頃述矣獨有一無骨大臣如冢臣周應秋者即為呈秀作買賣之人也彈射紛紜哀如充耳東銓以來非呈秀欲用之人一推不得三四人七八人而亦不得今

皇上一概外議點用正推亦既以用人職掌復還吏部不知省應秋多少奔兢聽探之勞第欲責其束公持正則應秋鼻令人牽魂不附體已非一日所新政紀畧 卷一 三

宜首罷者也今天下衆怨所歸謂拆毀民居敗壞公所逼處陵寢孔廟而大千公牘者非創建生祠耶向誰首先獻諛作此厲階者非南京兵部右侍郎原任浙江撫潘汝積耶夫海內稱功頌德猶以虛詞相假借至建生祠之舉則或歛民財或扣軍餉或損官俸或勒公帑戕山震海蕩析離居使天下吞聲飲恨敢怨而不敢言此首事之流毒即與孫與烈陸萬齡等同律共擬亦不為過尚得覘九列而悠遊司馬之堂耶又科場試卷弊端皆禮部

與職科復閱之責也先是順天場事揭曉後人言
噴噴謂崔呈秀之子崔鐸只三篇半文字已貼而
復中心甚訝之及禮部取試卷送職科見其七篇
清順覺人言之未然今貢士錢嘉徵疏內一款有
帖出之語職科再加磨勘見墨卷第五篇題目有完
補痕跡當日之帖出者果有名且坐此故耶若
然外簾知之內簾未必知也惟有覆試一法耳

奉

聖旨所奏崔呈秀事情着九卿科道從公會勘具奏
新政紀畧 卷一 主

其子崔鐸着覆試定奪潘汝楨首倡生祠獻頌顯
是患失鄙夫着行削籍追奪諡命以為佞臣之戒
其各處生祠撫按盡行拆毀變價解京助邊魏忠
賢已有旨了

崔呈秀同知
名崔呈秀同知
明史崔呈秀同知
名崔呈秀同知
名崔呈秀同知
名崔呈秀同知

戶科改國璋上本直糾蒙面銓臣以重銓政事內
參吏部尚書周應秋心術曖昧性行滑熟一味罷
軟柔脆全無執持擔當自東銓以來推升不問俸
資啟事但徇情面呈身權要之門盡委其職掌以
殉之焉 奉

聖旨進退大臣亦關國體這所奏知道了

營繕司主事湯齊一本三殿完工事 奉

聖旨天生人財以幹國事分門別戶已非治體至株
連疑似殊可憫卹奏內諸臣着該部確核生手酌
量起用

東廠魏忠賢哀病難堪事 奉

聖旨爾奉祀

先帝恩練有年殿工邊務多方拮据剔奸磨弊夙着
勤勞朕所鑒知有旨慰留乃屢疏引疾求去情詞
懇切至義不可強准回私宅調理以成爾恬退之
美

新政紀畧 卷一 主

又一本世爵成命未收事 奉

聖旨爾奉祀

先帝爵賞攸隆今退歸私宅控辭三爵具見誠懇准

改公為錦衣指揮使候改指揮同伯改指揮僉事

刑科楊文岳一本

聖旨虛懷事 奉

聖旨覽奏以是非足功罪此是肅清政體之法崔呈